

# 811公里

作者: 愛你是孤單的心事

Powered by [紙言](#)

# 1

811公里 是香港與台北之間的距離 1小時又20分鐘的飛機行程

看似早上出發的話就可以在台北食中午飯

看似唔太遠既距離 但係我心目中 呢811公里和香港到歐洲一樣遠

因為我不在你身邊..... 而我又想念你了.....

呀 唔記得左自我介紹 我叫明仔 我岩岩係台灣讀完四年書番香港

作為一個廢青邊有咁快可以搵到工做 所以暫時都係做住無業遊民先

就係我做緊廢青既一晚深夜時份，我同緊台灣識既舊同學打機既時候，

突然有一個電話打黎比我

xxx: 「阿明 點解當初唔同我一齊啲 我有咩唔好 我咁善解人意又得意 點解呀 我問你呀」

我「.....小姐你無野下話 你係咪飲醉左呀？」

xxx:「我無飲醉，我無.....飲醉，.....我.....無.....」

突然間我學弟搶過電話同我講 學弟：「對唔住，打錯打錯」

然後就即刻收左線 我心諗 打錯？大佬你打過黎開曬我名鬧我咁啲 打錯？

佢咁飲法 我個心唔知點解有d痛 點解佢會攞成咁 雖然我知佢同佢男朋友最近有 d 拗撬 但係都唔駛飲成咁下話

唉.....飲酒可以解決問題咩？越諗越唔對路 都係決定買張機票番去睇下佢好過

當係比個機會自己 究竟我係咪仲係對你有感覺.....

望住枱邊既鐘顯示著0300 都係即刻執好野 馬上上網訂聽朝既機票 即刻番過去台灣

雖然我既身份只係普通朋友 但係我真係唔想見到你變成咁.....

## 2

第二朝7點 我即刻擺起噏準備出門之際 我撞岩岩起身既老母

老母：「咁早起身擺個噏去邊呀 走佬呀衰仔」

係佢既眼中 留係屋唔做野既我就係衰仔

我：「我親愛既老母 我見最近無咩野做 我咪打算番台灣幾日擺番之前寄放係人地到既野囉」

老母：「又會咁突然 方死你唔止番去擺野咁簡單啦」

我：「知我者 老母也」

老母：「唉... 咁你幾時番呀？」

我：「星期五晚番黎」

老母：「好啦 自己小心d啦 無你咁好氣」

之後踏出家門 為了今次未必有成果旅程..... 去

緊機場果陣 留個言問下我果位前室友 仲要留係台灣半年既心仔先

係呀無錯呀 男仔裡面有個心字

當初佢個friend Will介紹比我識果陣我都得怪

不過唔緊要 至少我地做室友既時候都幾好相處

好 講番正題

我：「心仔 起身就覆覆我」

過左15分鐘

心仔：「？」

我：「冇呀 想問下你等陣有冇堂？」

心仔：「做咩咁問？」

我：「問你就答啦」

心仔：「有9-4囉」

我：「咁忙架咩 重陽節無假放架？」

心仔：「好似無呀」

我：「你覺得。。。我趕唔趕切同食個lunch？」

心仔：「下 認真咩？」

我：「認真呀 我到桃園機場再搵你啦 唔知趕唔趕到 因為入境宜家要等好耐」

心仔：「係啲 你宜家無左居留證啲」

我：「頂你啦 唔講住 宜家上機 轉頭再講」

心仔：「ok 見面再傾」

就係咁 我就坐上了開往台北的飛機了

### 3

呢一次係我畢左業之後第一次番台灣 估唔到竟然係為左個女仔.....

垃圾廚叉d娛樂一如既往既廢 我都係聽自己歌就算

望著窗外既白雲 令我諗起我同你既第一次見面.....

兩年前既9月8號 係我第一次見到你既日子

每年新生黎到台灣 都會一齊食第一餐飯

同時互相認識一下大家 因為今日都係港澳新生第一次集合見面

而憑夠容納到咁多人既地方 都只係得熱炒店

Will:「好啦 首先歡迎咁多位新生黎到台灣 今日第一餐飯  
我地以經分開番每一個系既新生同埋學長姐都會坐埋一齊  
大家先互相認識一下先·轉頭我地黎自我介紹一下」

果然係世界仔 will講野都係會帶到氣氛 當所有新生都同左自己學長姐相認之後

就開始左所有人既自我介紹 相信學長們都係係到尋找緊獵物 當然我同will都唔例外

到我地果枱既時候 will突然走過黎同我講

Will:「喂 你地歷史系d學妹都幾正啲 尤其是果個叫子琪既女仔 妹似cool cool地  
我好想比佢瘋狂西面呀」

我:「呀will哥 你係咪燒壞左腦呀 頭先你係咪無睇到佢企起身果陣呀 好L肥啲佢」

Will:「唔緊要 少少肥都幾好呀」

我:「師兄你越食越肥啲」

Will:「你理得我 係啲 有冇睇岩邊個呀」

我:「你頭先有冇見到過好白既女仔.....」

正當我想講埋落去果陣 佢就起身開始佢既自我介紹

詩欣:「大家好 我叫詩欣 我係讀應外系既 來自澳門 好開心可以識到大家  
之後係台灣四年請大家多多指教啦」

見到咁既女仔自我介紹 下面有d仔都開始流緊口水 有見及此 will都走出黎打圓場

Will：「好啦大家可以抹番d口水 咁所有人都自我介紹好曬 咁大家就起筷啦

轉頭食完飯之後 會安排你地去擺番d你地岩岩買左既枕頭被鋪 然後今晚大家就好好休息一下  
聽朝8點集合去做身體驗查」

新生們：「下 咁早」

Will：「係咁架啦 要整居留證用 大家就忍下啦 一日半日姐」

係will交代理少少野之後大家都開始食飯 我都有同學弟妹傾下reg科既野 講下邊個老師既堂伏呀

講下呢邊d生活情況咁 開開心心咁食完餐飯

從此

我的心中多了一個令我刻骨銘心的名字

何詩欣

## 4

正當我準備走出去上我架野狼既時候 岩岩見到詩欣係門口岩岩傾完電話準備行番入去

詩欣：「學長，你好」

我：「hi 你好似叫詩欣？」

我先唔會同你講我咁快就記住你個名

詩欣：「係呀學長 咦 學長你....咁留意我既？」

佢用果對水汪汪既眼望住我 老實講係男仔都無咩抵抗力 =

跟著我求其作左個好爛既理由回番佢

我：「無 咁我見大家都係文院人 所以都有留意姐」

詩欣：「喔.....」

正當唔知點樣再傾落去果陣 子琪就係餐廳裡面向住我地大叫

子琪：「喂 詩欣 要行啦 番黎擺番你個袋啦」

詩欣：「好呀」

之後佢就行番入去

咁得意既女仔 實好多人鐘意 希望遲d可以係人文學院可以多d見到佢

之後過左為期一個星期既新生週之後 就正式都開學既日子

而我上堂以外 我仲係僑生會既副會長

同埋接左開學之後僑生會第一個大型活動既總召番黎做

就係.....迎新營

姐係Ocamp

雖說接左迎新總召黎做 但係呢個位一直都係苦差

因為基本上事事都係要親力親為

同埋基本上唔會同香港既Ocamp一樣 有d咩好玩野

都係係個營地裡面玩下大地遊戲

排下話劇咁 每一年都差唔多 但係就係咁先麻煩

成日都一成不變 你唔悶我 都悶la

所以有諗有咩玩先煩

唉。。。。ok ok 我知大家都無咩與興趣聽我講我迎新既野

我都係講番正題先

自從第一餐飯之後 我都係問唔中先會係人文學院見到詩欣

大概因為時間表既問題啦

唉....不過最近真係無咩時間諗女 因為我大部份時間都係到諗緊果Ocamp

就係我邊係7-11食緊早餐邊諗野既時候

有人係外面敲左一下玻璃

我抬頭一睇 原來朝思暮想既人就出現係我面前

佢係窗外揮一揮手之後就入左黎

詩欣：「咁岩呀 學長 你都係到食早餐既」

我：「估唔到你d對白可以咁老套架喎」

詩欣：「哈哈 無計 未訓醒」

我：「都係既 早8喎 邊個都未訓醒 上英文堂？」

詩欣：「咁你都知.....唔通你.....」

我：「唔好誤會 我大一早8多數都係英文姐」



詩欣；「講笑姐 不過我唔係上一般既英文堂 係上番我自己系既英文堂」

我：「原來係咁」

詩欣：「唔講住啦 我去買早餐先 遲啲再傾啦 拜拜」

我：「好 拜拜」

佢買完早餐行出去既時候 專登擰番轉頭揮一揮手

然後用口型同我講左一句「再·唔·行·就·要·遲·到·啦」 之後就走左

跟著我望一望電話 扁 8點15分 我即刻吞埋個飯團就衝番去班房上堂

真係老實講 佢笑個樣好好睇

但係佢唔笑然後扁嘴個樣我敢肯定肯定任何男子都會即刻心軟

你 問我點解我會知？

因為.....

## 6

之後過左成個月 終於都到迎新營既日子

自己做到咁高既位 差唔多每個環節都要顧

老實講邊有咁多時間去睇女 擔心d活動進行都夠我煩

不過老實講既 你話我無留意詩欣呢我相信大家都唔會信架啦

係咁架啦 毒撻望女就係咁望

不過都好過心仔架啦 正宗毒撻格 鐘意左個女仔都唔講既

淨係識得望 咩都唔做 同埋擺住相機偷影女 今次Ocamp 佢鍾意既女仔Tiffany 都有黎做關主

比曬機會佢可以光明正大咁影 唔係我專登叫 佢會有咁既機會? 我都算對我呢位室友不薄啦

講番宿營先 咁係大地遊戲進行緊 咁我就去左巡場 睇下攞成點

咁好在活動股都叫有料既 起碼d大一都叫玩得開心既

咁我巡都一個玩緊水既遊戲既時候我就見到詩欣果組係到闖緊關喎

心諗 今次仲唔有野睇 當然 呢個故呢就係純愛故黎既

你班鹹濕仔期待既畫面呢就絕對唔會出現既

同埋一早講到明 唔打底呢就唔可以玩水game既

加上係設計Camp tee 果陣專登為左防止女仔走光而揀左d材質偏唔透既

不過我見到詩欣好快咁班馬來西亞僑生變熟 勁合作咁一齊破關

我係側邊睇到入曬神 完全無留意我女朋友行左過黎

沒錯 我係有女朋友既 同我同年同系既Michelle 老實講一開始我都唔係好留意佢

因為佢係一個典型學霸

由大一都宜家大二GPA一直都無低於3.5

不過我都無低過3都算係咁

至於我地係點一齊 我遲d會講一講

係佢行到過黎 佢就一野拍我果頭到

我:邊個拍我

Michelle :仲有邊個會咁拍你 望緊咩望到入曬神咁 連有人call機搵你都聽唔到

我:Er.....

今次大獲了....

咁我是但作一個理由解釋就算

我:哦 無 我見呢組玩得咁投入 我都睇到入左神姐

Michelle: 比我知道你睇女你就死

我:邊敢呀大人 係呢邊到有人搵我

Michelle: 好似係指導老師有事要搵你

我:ok 咁我宜家即刻過

Michelle : 好呀 咁我地行囉

我:ok.....

係我未講完呢句佢就一野捉住我隻手然後拉左我走

跟著我番到同指導老師傾今晚晚餐既事 而我傾完出黎michelle又唔見左

咁我就打算坐一陣先再出去 點知我見到心仔好趕咁衝左番黎

放低左部相機換左個急救箱又出左去 跟著我問心仔

我:做咩咁趕衝出去 有人整親?

心仔:係呀 我果陣行到大電視果陣見到詩欣跑緊去過去

點知果個位有少少凹左入去但係佢又睇到

結果仆左落地擦傷左 同埋有少少扭傷左

咁我手上無call機咪跑番黎擺急救箱

我:下 咁大獲 咁我同你一齊過去睇

當我過到去果邊既時候 我見到Michelle同埋關主係到陪緊詩欣係到休息

咁我當然循例都要問下有冇事啦 但係又唔可以太明顯啲

跟著心仔就開聲先

心仔:Michelle 急救箱擺左過黎啦 你先處理下詩欣既皮外傷先 跟著我同呀明先扶詩欣番去

Michelle:好 ok

我:咁....呀詩欣.....你覺得點樣?

詩欣:Er.....應該無咩事 但係應該暫時無辦法繼續活動住

我:唔緊要 我會幫你同你組長講

與此同時 Michelle 就幫詩欣處理好左d皮外傷

咁我同心仔就扶番詩欣番去先

正當行緊番去果陣 詩欣突然扁曬咁好失落咁講

詩欣:都係我無用 咁都整親 無得同佢地一齊玩

我:咁又唔好咁講整親邊個都唔想既 你好番咪可以盡快歸隊

心仔:係囉 你都要好番曬先可以再玩落去架

詩欣:咁都係.....

送到詩欣番去之後 心仔就繼續出去影相

而指導老師過黎望完之後就叫我留低陪住佢

咁我就叫左will幫我處理住d野先

老實講今次都係因為有好多自己人幫我手我先咁放心

咁得番我同詩欣係到 你眼望我眼咁

正當我想搵野講果陣 佢卻先開口講野.....

詩欣:唔該曬你.....同心仔

我:唔駛 我地應該既 轉頭差唔多食飯既時候我先再扶你過去

詩欣:好呀 你去忙你既野啦 唔駛理我 我係到休息下就得架啦

我:唔緊要 我岩岩都巡完一次 我都想休息一下先 間中都要偷下懶既

詩欣:哈哈 好呀

我:唔駛擔心 你組爸都係港澳既 講聲就得啦

呢個時候Michelle 走左過黎 講左一句

Michelle:算啦你 我唔信你會咁好聲好氣同佢講野

詩欣:下 點解既?

Michelle: 因為....

我:得啦.....

詩欣用一個好疑惑既眼神望著我

當然啦 如此心地善良既我都有一個我好憎既人 係足球

隊裡面既單箭頭但係又日日炒單刀既人

我點會唔憎佢 不過當然仲有其他野

正當我不斷咁諗緊佢既缺點既時候 詩欣突然講左一句

詩欣:你講黑仔?佢係我係我中學果陣既學長黎 你同佢有牙齒印架?

我: Er..... 之後再講啦 但至少我地係同系既 有時一齊做Group Project 既

Michelle : 算啦你 係呀差唔多食飯啦 過黎一齊扶詩欣去食飯 同埋我叫左餐廳整左一d清淡少

少既野比詩欣食 當然 食d燒既野食都可以既 詩欣我地行囉

我:wa 好細心喎 你就好啦詩欣 佢對我都無咁細心

Michelle : 姐係你覺得我對你好差啦 哼 詩欣唔好理佢 我地行囉

詩欣笑一笑 講左聲多謝就拖住Michelle 隻手慢慢行去餐廳果邊

唉 女人 真係好快變熟

只不過.....我為左呢兩個女仔....

之後去食飯果陣Michelle 就攤左一碗湯麵比佢食  
當然廢事比人睇到佢就黎左幹事果枱食  
不過好在全程都有Michelle 同佢傾計  
我見佢都有笑番個心都叫做定番d  
佢果笑樣真係好好睇  
雖然我就唔追韓星既  
但係有一次入心仔間房有見到佢睇緊好叫叫IU既歌手  
笑起上黎都真係好似  
食完飯之後就係營火晚會  
當然作為總召既我就負責點完營火  
之後就睇住班大一跳第一支舞  
( 不得不說首歌難聽 舞又白痴 )  
當然詩欣隻腳傷左就無得跳  
佢就坐左係我隔離睇佢地跳  
詩欣：你咁得閒咩 總召咁無野做架  
我：係呀 點個營火炸 跟著都係睇佢地玩  
詩欣：咁你唔落去玩 我見Michelle 都有落去玩喎  
我：佢好outgoing 不過佢好識拿捏好分寸 所以我都好開心  
佢去玩 至於我自己由完全相反 係一個極內向既人  
有時都係Michelle 拉我出去我先會出去玩  
詩欣：咁你有時就佢咪好辛苦？  
我：係架 不過Michelle 佢都知道有時真係唔太鐘意長時



間係外面 有時都會就下我係屋值hea下就算 其實心仔都

同我一樣 只不過佢係更內向姐 不過佢就有部相機陪佢

囉不過有時諗諗下都好奇怪 兩個咁內向既人都傾到計

最後仲做埋室友Tim

詩欣：睇黎Michelle 真係好細心 同埋你同心仔既配搭好正呀

我：係呢 咁你都有一兩個best friend 吧

詩欣：有呀 同我同系個Natalie 囉 我發現我地兩個都係一擔擔咁 一齊就岩岩好

我：咁就死得啦 兩個傻傻地一齊 會唔會攞到好大獲既野出嚟架 哈哈

詩欣：喂 咁講野架

我：Sor 囉 不過搵到一個鐘意既人同埋一個有默契既朋友實在唔太容易

心仔都算係咁架啦 佢好識了解人 係都

朋友方面佢就做得好好 至於愛情佢就.... 你了解多d佢就得架啦

詩欣：好呀 應該同佢熟左就會好好多

我：應該係囉

傾完既時候營火晚會就差唔多完

咁我就叫番Michelle 過黎幫我手扶佢番去

唔係我一個人扶唔到 而係廢事比人誤會姐

老實講 我頭先有偷望左一眼佢既傾面

真係好靚

咁見到班Year1 番曬入房之後

就輪到我地班幹事開會

傾番今日既情況同埋準備聽日既野

咁當然之後就各有各忙啦

而我都差唔多傾到點幾兩點先休息

當然平時練開遲訓早起我就無咩問題

反而我見心仔就一早整好個ppt就訓左

唉 佢就好啦 唔駛做太多野

好 第二日 咁我同班幹事又去叫醒班Year1

順便去睇下詩欣點樣

你話我借d依都係咁講

點都要關心下人既

正當我行緊去佢間房既時間

我黎遠就見到佢企左房門

咁就當然即刻行上前問下佢好d未啦

我：咁早起身既 d女仔正常唔係都唔訓到最後一刻先醒架咩？

詩欣：咁我貪靚 想早少少起身去化個妝 同埋早起唔駛

同人爭廁所用 不知幾好

我：好難得有d咁既女仔 Michelle就係果種一定訓到最

後一刻先醒果堆人 係呢隻腳好番d未？

詩欣：好左好多啦 不過感覺仲未話比可以好順咁行

我估今日既大地遊戲都未必玩到 我同黑仔講左 佢話無

咩所謂嗰 叫我好好休息

我：咁我叫Michelle幫你安排休息既地方 使唔使我扶你

去食早餐？

詩欣：唔駛啦 有Natalie 陪我就得啦

我：咁你食完早餐就搵Michelle啦

詩欣：好呀 你好忙啦 我ok架啦

我：ok

佢笑住咁同我講拜拜個樣真係....

之後我就去左食早餐果邊睇下準備好未

我仲要應酬埋班指導老師

不過佢地已經算好好架啦

比好多自由我地去攞 平時都好少插手

點解我咁講 因為我知道有d老師好鬼煩

成日講一大堆野 呢樣唔得果樣唔得咁

都大學啦 仲咁多野講 真係

唉.... 開始食早餐 好鬼死肚餓 尋晚都係咁傾野都無食消

夜 派果個杯面鬼都無食到

係我食緊早餐既同時咁都同老師講番下尋日既情況

當然老師都有關心詩欣既情況 咁我都話無咩野

然後老師就話叫我出Camp之後帶佢去睇醫生

咁我當然話ok啦 又多個機會可以接觸佢

最後老師都比左信心既一票我

咁其實Day2 就無咩特別 都係玩下大地遊戲

然後睇下佢地表演咁

最後一個寫龜背既環節就係分番各個同學會

互相傾下計咁樣 最後有咩想同人地講就寫係人地個龜背到

咁多數一d重要既人就成個龜背到會寫滿 我當然都唔例外

而我都有幫好多人寫

下 你問我有冇寫係詩欣個龜背上面？

當然有啦 佢都有寫番係我個龜背上面

我見係詩欣龜背上面大多都係安慰佢既說話

大概係因為唔想佢太自責掛

而最後影左一張大合照 迎新宿營就結束了

我一上到旅遊巴 我就直接訓到落車

當然啦 邊到死咁

咁一番到去我就同Michelle講話老師叫我帶詩欣去睇醫生

咁佢都知道咩情況 就都放我去陪佢去睇醫生

有咁善解人意既女朋友真係好幸福

只可惜唔係事事都盡如人意....

# 11

帶完睇完醫生 咁就送佢番去啦

到宿舍果陣就同左住宿組果邊既人講左 咁佢地都比我上去

但係要著住一件螢光既背心上

詩欣一見到係咁係到笑

我：笑咩啫 著呢件野有咁好笑咩

詩欣：咁樣全世界都知你入左宿舍

我：其實佢地就係想咁 如果唔係有男仔隨便入到女宿就麻煩

詩欣：都係.... 11樓吖 唔該

我：ok

如是者上到11樓 出門轉個彎見到一條長長既走廊

同男宿唔同既係 男宿係得一邊 而女宿係出lift 係中間

向兩邊延伸 呢個時候詩欣講左句

詩欣：Sor呀 我住尾房呀 麻煩你啦

我：唔緊要 都送到你黎呢到都唔差果少少

行緊去佢間房果陣我見同層有d女仔望著我

望到我個人勁尷尬

到佢房門口既時候我有心理準備因為聽人講女宿會勁亂

點知我一入房門完全係另一個世界黎既

樣樣野都好整齊 好乾淨

當然我唔多望住 快d安頓好詩欣先

詩欣：係咪好意外我地間房會咁乾淨？

我：有少少啦 畢竟.....

詩欣：咪因為Natalie囉 佢好唔鐘意d野亂 所以佢會成日執 比佢感染下 我地都唔會亂擺野

我：唔怪之得啦 哈哈～ 好啦 唔阻你休息啦

我有叫Natalie番黎果陣幫你買野食 你就專心休息啦

詩欣：唔該曬你呀 呀明學長

我：唔好叫我學長 叫曬我呀明就得 如果你未好返曬你要

我載你去睇醫生你就再同我講啦

詩欣：好呀 不過你唔驚Michelle 呷醋咩 成日車個女仔好睇醫生

我：喔 唔會既 僑陸組交代果陣佢都在場 佢話睇到你好番為止 叫我放心

詩欣：Michelle 學姐真係善解人意 我好番要請你地食飯

我：好番先再講 好啦 走啦 好好休息

詩欣：知道 阿明學長

我：仲叫我學長？

詩欣：嘻嘻～

正當我還番件背心準備走既時候

我要撞到攞住晚餐番黎晚Natalie

佢好似有d野想同我講咁....

我：咁岩呀 我好似有野想講？

Natalie:係呀 我想問下.....

我見佢講野吞吞吐吐咁

我以為佢係想問我野

點知佢下一句完全嚇親我

Natalie:我想問下 有關心仔既野呀

我即刻放鬆左之餘 佢露出左個狡猾樣出黎

我：唔通你.....對心仔.....

Natalie:唔係你諗咁架...我只係想問下心仔份人係點炸

我：淨係咁炸... 佢呀份人好心軟既 講多兩句就

會去做 之前Facebook咪有d咩星座分析既 佢

咪完全中曬天秤座既特點囉

Natalie:哦.....明曬

我：駛唔駛我約佢出黎食個飯呀

Natalie:真係.....唔係.....都係唔好啦

我：咁算啦..你回心轉意既時候再搵我啦

心仔呢佢係一個不折不扣既毒L既

我諗你如果要同佢傾計既話就要主動少少

Natalie: 好...知道 多謝你呀明

我：唔駛客氣 快d擺野食入去比詩欣啦 佢就黎餓死啦

Natalie:係喎 唔講住啦 遲啲再講 88

我：ok 8

如事者我就走左番屋企

但係我隱約覺得唔係咁簡單

番去套下料先

另一邊Natalie同詩欣就你房裡面食野

Natalie:你睇完醫生有冇好d呀?

同埋你今日就唔好爬上去訓

你今日就訓我張床啦

詩欣:好呀 唔該你 依..頭先你同阿明係出面傾

d咩? 唔通你咁快問佢擺料? 嘻嘻~

Natalie :邊有姐.....我係問下佢醫生有冇交低落

有咩照顧你既事炸....

講完之後Natalie 就臉紅紅咁擺曬佢地食完既野出去扔

呢個時候詩欣就係到狂笑

詩欣:哈哈~~~你想點呀 你個樣出賣曬你啦

Natalie:咩喎 唔比人問野架咩宜家 我係宿營果

陣無意中同佢開始傾左兩句 發覺都幾好傾

因為佢都有追韓星 所以我地傾左好耐

咁我都係想了解佢多d姐

詩欣:繼續扮啦 繼續扮啦~ 如果我同你講我問

左d更深入既野.....

詩欣都未講完Natalie 即刻番轉頭

詩欣:睇下你啊 口裡說不身體卻很誠實

Natalie:講啦講啦

詩欣叫左Natalie 埋d 係佢耳邊講

詩欣:唔~話~比~你~知~

然後即刻做左個鬼臉既動作



Natalie即刻作勢想打落去

詩欣即係講

詩欣：你叫呀明幫下你囉

Natalie:遲d再講啦

大冒險的真心話會是真的真心話嗎？

番到屋企之後

我就走左入去心仔間房裡面吹水

有呢個舉動不外乎因為有一個更八卦既室友

其實除左心仔以外

仲有一個叫呀俊既室友

冇錯 所以有時見到佢都會講果個Meme

當然到時會再講

一如既住地係到打LOL

我:打少陣機啦 再咁打落去唔會有女架啦

心仔:你好似講到我唔打機就有女咁

我:至少你肯去馬你一定唔會好似宜家咁囉

心仔:講經啦 唉自己知自己事

人地讀書勁又靚女又成日識 人我呢d都係算啦

我:其實你中學果件事真你影響得你好深啲

心仔:係呀 我就成個老野咁 只係識得記以前d野

好想放低又永遠差果一下 唔想受傷害就寧願唔好開始

我:唉.....你喜啦 不過你覺得Natalie點呀?

心仔:咩點呀 佢幾好傾呀

大家都有追星 所以傾左好多野

我:無 問下姐 你轉頭打唔打PUBG 約到人四排啲

心仔:如果我部電腦推得到我實玩架

我:ok 轉頭再叫你

之後其實我同詩欣斷斷續續咁都有傾下計咁

畢竟我都係有女朋友 我都有道德既底線

但佢傾計唔知點解好似仲舒服過同我女朋友講野

可能因為本身我女朋友都係學術撚又比較掘強d

所以多數同佢講野語氣都係比較硬d

不過都係我以前比較欣賞既其中一樣野

你知啦 同d無腦無point既人講野會好辛苦

但同樣地可能就無左平日同女朋友溝通既果種感覺

同埋因為我同Michelle 其實都有各自既交友圈 所以我地其實比較少一齊出去

但係我地都覺得無咩問題 不過上堂都會見

只係唔知點解唔太鍾意同我一齊坐 佢話會影響學習啲 我笑左一笑.....

老實講咁樣一直落黎既傾計 你講我冇心動都係假既

而於點解我會突然有個咁大既轉變

大概就係聖誕節既時候

呢都講一講先 因為中間既野其實太瑣碎 所以我就直接跳過

主要係我懶唔想寫啦

時間黎到差唔多聖誕節既時候 有一日Michelle 落堂既時候就搵我

Michelle: 阿明呀 我有d野想同你講呀

我:你個樣無事吧 講吧 等我聽下

原本我都係笑住咁講上一句 但聽完下一句我就唔太笑得出黎

Michelle:我想Tran U 番香港

雖然聽到果下好愕然 但係我唔太想影響到佢

同埋我知道我呢個女朋友講得出黎佢一定有諗清楚先講既

所以我想聽埋佢既理由先.....



Michelle : 其實我諗左好耐 但係我唔先斬後奏

因為咁樣對你好唔公平 所以得係準備一半既時間就同你講

其實係咁既 因為我見呢兩年我GPA都維持係3.6以上

姐係對我覺得呢邊既野對得黎講

好似算比較容易 所以我希望用呢個成績番去香港既大學努力

所以我想番香港 唔係既話我覺得係呢度會有少少停滯

同埋香港可以玩西樂 我同呢邊西樂團唔太融合到

香港果邊可以有朋友陪我一齊玩 所以.....

我 : 我當然明白 你講得呢句我都一家知你有充足既準備

同埋諗清楚 我都好多謝你係呢個階段就通知我

不過我諗我要少少時間答覆你

因為其實都仲有兩年 我地本身又都少見面

所以我要少少時間消化一下先

係呢 我記得你今日約左Cindy出街

咁我就再諗下先啦 放心 我無唔開心

因為作為你男朋友 我點都唔會嬲你

Michelle:好呀 咁我去搵cindy 先 我地遲d再傾呀

我 : 好 我都約左心仔食飯 再講啦

Michelle:好啦 88

我 : 88

另一邊廂 Michelle 同Cindy 出左台北食飯

Cindy: 你同左呀明講左你要Tran U 既事未

Michelle:講左雖然佢無表現佢既唔開心 但係我感覺佢好似有d失落

Cindy:正常既 原本佢打算同你一齊係到過四年架麻

突然講話要番去一時三刻都未必比到反應你既

你比少少時間佢啦 我相信佢一定會接受你既決定

Michelle:其實我就係怕呢樣野 平時既我都知自己有少少

公主脾氣 所以好多時間都係佢就我 有時將就將就我會怕佢唔開心

Cindy:你地兩個係咪想閃死老娘我

Michelle : 其實我地係太了解彼此 所以咪會咁

Cindy: 係既 再睇啦

Michelle :唯有係咁啦

係呀明同心仔食緊飯既時候 心仔明顯見到呀明好唔專心食飯

心仔 : 喂 無野吖麻 好少可食咁慢

我 : 唉....Michelle 話想Tran U 番香港

心仔 : 喔.....

我 : 點解你好似好唔意外咁

心仔 : 咁你條女成績咁勁 覺得無挑戰都合理既

我 : 所以你覺得我應該比佢番去 ?

心仔 : 我比唔到意見你喎 不過你咁知你女朋友性格

你實知做咩決定既 不過你地既關係就要好好處理好

我 : 我都明既..... 唔係咁易架葉師傅

呢個時候詩欣就Send Message 過黎比我....

詩欣：喂 你知唔知呀 今日呢Natalie勁好笑囉

佢竟然今日上堂果陣用廣東話黎答老師問題嗰

跟著老師果樣勁疑惑 但係佢照繼續講

講到成班望著佢佢先知佢用錯語言黎講

哈哈～果然係早8既威力

呢個時候既我已經攤左係張床到 個腦淨係諗緊Michelle今日講既事

唔知大家有時會唔會開左部電話既對話框之後就停左係到

而同時地果邊會顯示已讀 所以過左一陣之後詩欣就再打多個訊息黎講

詩欣：喂 你無事吖麻 竟然已讀不回本小姐

我：Sorry.....

詩欣：做咩突然間咁凝重既

我：Michelle突然之間比左個問題我 我唔識去解決

詩欣：不如咁啦 最近呢樹林果邊開左個新既夜市 我想去呀

你聽日帶我去吖 順便聽下你既事

我：都好 反正有多個人幫我諗都係好事

詩欣：不過你宜家講左少少先 等我同你一齊諗

我:Michelle 要Tran U番香港

詩欣：下 認真架 咁你地既關係點算呀

我：我自己都唔清楚自己想點 作為男朋友既角度

佢有好既發展其實我一定要支持 但同時我又希望佢可以一直係我身邊

詩欣：你既信息本小姐已經收到 聽日再同你講啦 早抖

我：好呀 早抖

如是者聽日上完一整日堂 詩欣就Send左Message 過黎搵我

你問我點解可以直接係學校睇Message唔會比人發現?

因為今日係唯一一日我同Michelle完全無一齊上堂既一日

雖然大家都係讀歷史系 但係我地鍾意既野有少少唔同

我就比較鍾意睇西方歷史 佢就比較鍾意睇國史大綱

所以選修既一日 我地就會分開上堂 其實反正佢落堂就會搵Cindy

所以基本上今日我一日都唔會見到Michelle

好 入番正題

詩欣:我地今日幾點去夜市好?

我:7點左右?

詩欣:好呀 唉....明明今日係聖誕節 點解都仲要番學

講開又講都無留意 原來今日係聖誕節

黎左台灣差唔多三年 都已經習慣左聖誕節要番學

我:算啦 你未來仲有三個聖誕節都要番學呀

詩欣:你地係呢邊唔會慶祝咩?

我:會 不過Will個Party 好似係聽日 所以每年都係就大家第二日無堂先玩

詩欣:講開又講 好似前兩日Will都有搵過我 問我去唔去

果陣我同Natalie都答左去 你估下心仔會唔會去?

我:問心仔既野黎做咩?佢應該會去吧 因為佢同Will由中學識到宜家

好多時都係Will幫佢 因為你知心仔好怕生 都係靠Will帶佢識朋友

詩欣:話說呢 我最近呀 見到Natalie同心仔開始Snapchat

但係每次我想睇佢地Send咩既時候 Natalie 都笑住咁推開我

唔比我睇佢地Send咩 我覺得.....

我:哦.....唔怪得心仔最近有時會收埋部電話啦



我得閒都留意下佢先

詩欣:可能佢地都有追韓星 有多話題傾 其實佢地兩個都幾唔錯.....

我:想做媒人咩?

詩欣:試下都好㗎 唔講住 轉頭見

我:ok 轉頭見

差唔多夜晚7點 果斷換件戰鬥衫

騎上我架野狼 向宿舍出發

到左宿舍樓下 見到一個女仔挨住電線桿

一臉抑鬱既眼神.....

講笑姐 不過佢就真係提早左少少落黎

如果我唔係早左出門 佢就可能要吹一陣風

這叫我於心何忍呢

我:好準時啫

詩欣:當然 準時係一種美德

我:ok出發

係路上其實無咩講野 主要係因為我架野狼太嘈

但係都係因為野狼既關係 所以比都仍攬我腰既機會

係咁架啦 不過其實Michelle都係咁樣 攬得仲實

不過我都知 唔可以越界

其實車程好短10分鐘左右就到

老實講 我都係第一次黎

佢同其實夜市唔一樣 起碼乾淨整齊

好似係叫興仁夜市吧

一行入去 佢就興奮到成個細路

一野就拉左我去熟食區果邊

見到咩都話好想食 結果就買左一大堆野食

我地就行左去附近d枱到食

原本我都有其他野想食 但見佢買咁多我都唔太敢再買住

我:小姐 你係咪第一次行夜市 係咁買你食得曬咩?

詩欣:有你吓麻 一定食得曬既

我:咁請問你既身材你係點維持既呢?

詩欣:你估下

我過左一陣 終於明白到係點 佢就每一樣野都食左一啖之後就話

詩欣:我飽啦 你加油

我:認真咩?做你男朋友如果食量細死囉

詩欣:係架 做我男朋友要好多條件架

雖然係咁 但你要我扔曬d野食基本上就無可能 唯有死死地食咁食曬佢

詩欣:唔錯唔錯 幾好幾好 我去買杯野飲先 你加油

我:你係飲得曬先好買呀

詩欣:得啦

今次佢就買左杯好細杯既野飲番黎

我:好飽 去行一陣先好唔好?

詩欣:好啊 頭先我見呢果邊有好多夾公仔機 我地去睇下

我:好

果陣台灣先岩岩開始興夾公仔 所以好多人都會貪新鮮去試

當然詩欣都唔例外 佢凡到一個有鬆弛熊既機面前

我:好想要?

詩欣:係呀 可唔可以夾比我呀 唔該你呀~ 求下你呀~

我:好好好 唔好係到扮Melody 夾囉

戰鬥左一陣 唔知係咪前面有人夾左一陣

岩岩到我夾左幾次就到包夾 咁我就夾左佢出黎

佢接到之後勁開心 唔知係咪佢興奮過龍

竟然走左過黎攞左我一下

我個心即刻跳得好快 好耐都無試過咁

之後都係陪佢行多 佢就成個好奇寶寶咁周圍睇周圍玩

玩左成個幾鐘先肯走 走果陣佢突然講左一句

詩欣:我好想砌左盒模型佢呀

係啦 頭先佢玩遊戲果陣中左大獎

原本我以為佢會揀公仔 點知佢竟然揀左盒模型

我當堂呆左係到

我:點解你要揀模型呢

詩欣:我見我呀哥成日係到砌 我都想知砌模型係咩感覺

我:因為你屋企人驚你三分鐘熱度姐下話

詩欣:咩嘞 我真係想試下架 你識唔識架

我:好話啦 我平時都有砌開高達既 呢d應該唔會好難

詩欣:咁好啦 我地去邊到砌好呀

我:砌呢d要工具嘞 但係我無擺到.....

詩欣:咁去你度砌咪得囉

我:下 唔係幾好既

詩欣:驚咩嘞 都無人知

我:呀俊係屋企嘞 你知佢成日講人八卦 好煩架

唔係唔得既 我諗下辦法先

呢個時候 我就諗到一個方法

我就打左個電話比心仔.....

我:心仔 你係邊到?

心仔:我係板橋呀 聽日開Party玩交換禮物

我出黎買禮物順手行下 宜家係耶誕城影緊相

我:如果我要你宜家即刻番屋企得唔得

心仔:下 但係我想影相啫

我:十萬火急呀 幫下手啦

心仔:點解呀

我:因為詩欣唔知點解突然好想砌模型

咁我屋企係有工具 但係你知啊俊好煩.....

心仔:得啦 女呀麻 你等我一陣啦

我:幾耐啊

心仔:咁係板橋番去要幾耐咪幾耐囉

我:okok

講完電話之後行多陣就番去

番到去我就見到心仔坐左係廳到

果然有心仔就無問題 佢就坐左係到一邊用電腦一邊陪我地傾計

佢地兩個就Michelle既問題都比左意見我

而我就陪佢砌模型 呀俊就唔知點解好似有外人係到就唔敢行出黎

砌左一大半之後詩欣就話劫啦 所以我就話剩低既部分砌完再比佢

咁我就送左詩欣番去之後就約左心仔食宵夜

係食緊消夜既時候心仔就講

心仔:其實宜家姐係點姐

我:咩點?

心仔:盲既都睇得出你想點啦

我:有好明顯咩?

心仔:我覺得你問Michelle既事其實你都有打算分啦下話

我見詩欣好似都好似未有目禁咁 係你就快

我:下 咁講咩

心仔:其實因為呢件事 我覺得你同Michelle 好似行得越來越遠咁

我自己就覺得無謂再拖落去 到時你兩頭唔到岸既感覺仲辛苦

我:我明 但係宜家講分手一黎傷到Michelle 二黎咁快就追詩欣我驚會有問題

心仔:咁就睇你啦 你早d同Michelle分手 分完過一排就開始追

應該就仲有機會既 宜家佢又有去足球隊 係你既大好機會

雖然教人分手係好衰 但係無感情囉 放心對大家都好

我:好 我考慮下

係呢件事之後 其實我都下定決心要分手了

因為心仔講得都無錯 感情淡左 都無辦法再挽回

但係我一都諗唔到機會講分手 就咁拖下拖下

Michelle最後結果都出左黎 有大學比佢唔駛降年級轉

仲要係佢最想入果間 當下既我當然唔可以比咩衰既反應

但係加速左我想講分手既進程

不過我見最近詩欣同足球隊個吹水王好似幾好傾咁

可能大家都係澳門人同聲同氣d

只係我估唔到接下來既發展會係咁樣....

# 18

其實時間都好快 一過左聖誕就考Final 考完就當然要番香港過年

當然呢段時間有Keep住同詩欣傾計 但係出黎既次數都係比較少

因為我自己拖左好耐 係台灣都無講到

所以我決定番左香港之後就會講

番到香港之後約左Michelle出黎玩左一日

其實玩左成日我都係無咩心機玩

因為當你知道係你身邊既一個人

由戀人變番普通朋友

我相信Michelle都感受到

亦都做好左心理準備

但到左講左一刻都係仲係諗唔到

到送到佢番佢樓下既時候 我知道如果再拖就永遠都講唔到

於是我就直接開口講

我:Michelle 我有d野想同你講

Michelle呢個時候臉色都沉重左

我:其實好多謝你呢兩年既陪伴 我地都創造左好多只係屬於我地既回憶

但係當我知道你決定要番香港既時候 我自己有d唔太接受到

雖然當下無太表達出黎 但係.....

Michelle:你比較鐘意可以隨時見到女朋友吖嘛

其實係我講呢件事既一刻我都預左會有呢一刻既出現

好在你係香港講炸 咁我容易d搵Friend安慰

其實我自問都唔係太滿意自己既表現

好多時間都係要你就我

我知你成日都想見我 但係我就因為練習或者溫書推左你

加上呢件事 其實真係好傷呢段關係

成日人地都講Long D 好難維持

其實我地大家都無信心 早d分開對大家都好

呢個時候佢好似好想喊 但係又將眼淚收番埋繼續講

Michelle:好多謝你今日你帶左我玩一日 用一個美好既回憶黎結束

我:好對唔住 其實我自己都無盡好男朋友既責任

雖然我好驚傷到你既心 但係我覺得唔講對你既傷害更加大.....

Michelle:我絕對明白 唔需要太介意架 最後好似攞到變左道歉大會咁

其實我地咁樣和平分手咪好囉 因了解而分開 至少仲有朋友做...

講到呢度 佢就黎忍唔到 所以....

Michelle:2019年2月1號 夜晚11點20分

我地既戀人既關係到此為止 再見.....

講完呢句佢就頭也不回咁衝左番屋企

而我都慢慢咁行過去巴士站搭車

唔同既係 係台灣我地住好近

係香港我地就差太遠 一個住市區 一個住新界

係 大概真係傷到佢既心

好內疚.....

但大概就是愛情教會我們的事....

多麼幸運 擁抱你

多麼遺憾 失去你

多麼可惜 錯過愛情

學會刻骨銘心 懷念都是你



番到屋企之後 我咩無講就入左房

連老豆叫我都無聽到 原本我老豆就想發火

好就好在老母及時講左幾句

佢先無至於出手

老母其實都係觀察入微果派黎既

入左房之後我只係想一個人靜下

就同老母講左聽日先講

宜家既我 你話我好傷心咩?

係有 但係又唔係好傷心

更多既係內疚

過左一陣 Cindy就Type Message 比我

Cindy:你係咪講左分手?

我:係呀 我見拖落去好無謂 就今日陪佢玩完一日就講

你幫我好好地咁睇住佢

Cindy:廢話 受佢做左咁多年姊妹唔通唔理佢理你咩

我係打黎睇你死得未 你自己攞掂 係咁88

我:ok la 有心

正當我想合理眼訓既時候 心仔就搵左我

其實我有將今日既事同佢講定

佢其實都支持我呢個決定

心仔:點呀 講左之後有冇舒服d?

我:有既 至少唔好拖住佢

我個心舒服左好多 但係此終都係失戀難免都會唔開心 我諗過幾日就無咩野

心仔:咁你好好休息下先 有咩事就搵我

我:過兩日再搵你 係咁先

心仔:早抖

我:ok 早抖

如是者我成晚都係到反省自己

係呢段感情入面有冇做錯咩

有咩可以做得更好

就係咁 一晚就咁就過去左

但係與此同時 足球隊既吹水王係新年果陣約左詩欣出黎玩

其實係足球隊既時候 當詩欣黎既時候佢就出盡力練波

無黎就Hea練 明眼人都知咩事

所以我知道佢絕對係最強勁既對手

黑仔佢又係詩欣係澳門既學長 老實講佢地話題一定多過我

其實我係香港咩都做唔到 唯有都係等到番台灣先可以做野

順便呢段時間比我好好沉澱一下 所以都係同佢傾下計就算

新年假期其實好快就完 好快又到番台灣既日子

今次就無同心仔一齊番去 因為心仔好似要遲少少番去

其實比著平時既我 一定會約埋Michelle番去

其實之所以我地會一齊 主要係因為Year1下學番去開學既時候

我地咁岩搭同一班機 仲要坐隔離 所以我地果陣係咁傾計

但係呢一切都過去了 番去面對既係新既挑戰

只不過 原來一切都只係我自作多情.....

番到台灣之後 我就開始著手準備更進一步  
畢竟時間不等人 再拖又會出事  
今個新年唔知係咪佢要搵朋友  
我地就少左傾計 不過深夜既時候  
反而會回得比較快 大概我地都係夜貓既關係  
好在我本來就會夜訓 如果唔係都幾難就  
不過我係feel 到好似少左話題講  
再咁落去真係會出事  
原本打算番黎搵心仔商量下  
呢條A0仔個腦諗野幾快  
不過我早番黎係因為冬訓  
冬訓果日 我本以為都係得球員番黎  
點知作為球隊職員既佢都有番黎  
不過得就見到佢同黑仔好好傾  
仲有時令詩欣係咁係到笑  
估唔到本身係世仇既我地仲要係潛在對手  
我見黑仔搏命咁練波 將最好既一面比女睇  
雖然同呢篇野一樣劇情老土  
但係將自己好既一面比鐘意既睇  
至少係人地心目中會加分  
咁好囉 我認真踢下囉  
我無針對佢呀 只係佢踢前鋒 我踢後衛

難免會針對下 不過因為係對手

難免都會..... 好吧 就認真多少少姐.....

但練完之後我見到佢同詩欣一齊走

我就知今次出事啦 詩欣既外表得意

但係同時都比較單純 好容易比一d說話帶過去

果然過左幾日 我就係佢既限時動態見到佢地拖手既相

一切都完了 兩頭唔到岸啦

心仔見到個限動都問我咩事

我話比人捷足先登都無辦法

佢地本身就係學長姐關係

哈 好就好在都Year3 Sem2 頂盡都係年幾既既事

要忘記好快架姐 但係係足球隊我就真係無咩辦法

雖然佢依然有搵我傾計 但係人地有男朋友

我都唔敢越界 但係就因為咁越嚟越冷淡

佢就問我咩事 當然我就唔太想講

唔通講話你都同佢一齊仲同我傾計做咩

甚至有時我會同講 有咩就搵你條仔啦

所以我地之間既溝通少左好多

當然啦 我控制唔好自己既情緒我都有責任

有一次輸波我仲發左佢脾氣

雖然事後好內疚 但係都係講唔出口.....

但係其實呢一年半黎 聽人講都係話黑仔對詩欣唔好  
本身我對黑仔就已經無咩好感 仲要比人傳呢d野  
老實講我真係幾討厭佢 因為女朋友係擺黎錫既  
唔係日日係咁係人地面前講 你好似豬咁蠢呀咁  
但係唔知點解詩欣點都唔想同佢分手  
後來先知原來每一次詩欣講分手既時候 黑仔都會苦苦哀求  
然後就講下次唔會 結果都係意見接受態度照舊咁  
有一次心仔同Natalie過澳門搵佢地玩果然都係咁  
結果就係每一次詩欣都會心軟 唉.....  
不過都係咁啦 等等下就到左我畢業既時候  
又係一個別離既時候啦 大概都係一個信號啦  
提示我 今次真係要放手啦  
不過與此同時 其實黑仔都係要畢業  
聽講詩欣同Natalie一樣 都係唔鐘意LongD  
而聽黑仔最親近既朋友講 最近佢地都為左呢件事嘈左一陣  
睇似有機會咁又點 我自己都要走啦  
就係呢個時候 黑仔做左一個決定  
就係決定申請讀研究所 我當堂呆左係到  
為愛可以去到幾盡？我自問就唔太可以  
最多都係番香港搵個個好過  
至於Michelle係今日都whatsapp送上左佢既祝福  
再見亦朋友都唔容易 其實有時諗下食回頭草好唔好

但諗諗下都係唔好啦 人地過左一段時間先走出黎

宜家番轉頭 對人地唔好既

畢業禮完左之後 我就搵左心仔傾計

我：係時候放手啦

心仔：過左成年幾你先黎講呢d 早就應該放手啦

你唔好同我講 你呢年半係係到等機會下話

我：可以咁講 其實我地有時傾計都會講下黑仔壞話

不過至從果次我係輸波之後發左脾氣 我地就無再講過野

心仔：唉.....比我開口中 真係兩頭唔到岸

不過宜家講咩都無用 一切都已經完曬

我都要準備搬野 唔講住

我：駛唔駛幫手？

心仔：心領啦 野唔多自己搬都可以

心仔正如第一篇文所講 佢要延畢半年

主要都係因為佢大二下學期受情緒病所困

醫生都叫佢唔好比太大壓力自己 所以佢最後延遲多半年

而我接下來既日子 大概就係等最後一個學期既成績一出

就正式咁離開呢間學校番香港

大學生涯人地成日講有三個必修學分

基本既係學業 其次社團活動 再者就係愛情學分

( 呢個所指既社團活動係指society 不是非法活動 因為係台灣叫法 跟番姐 )

學業本來就無咩問題 雖係平均GPA差少少就3.0 但都叫過得去啦

社團會動既話 都做到僑生社團副會長

仲做多左一年顧問 超額完成啦

至於愛情學分 男校出生既我黎講 遲過人地起步

雖然宜家無女 但叫比人好

你睇下心仔 做用22年人都係A0

至少我宜家都係叫A1

哈哈 ~ 好似唔係好得太多....

不過算啦 留學既生活就到此為止

再見啦 台灣

再見啦.....

咪住.... 當然未完啦

都未講番第一章既事

係我認 口講左放低

其實隱約都有留意下佢既事

雖然我已經斷曬所有同仍有關既社交媒體

但係我仲有心仔 因為佢成日都同Natalie傾計

所以都叫知道下佢宜家既情況

至於點解會發生呢件事 就由2019年9月開學既時候...

有一日心仔同我傾緊計既時候就講

心仔:唔知點解呢 最近好似有女仔成日係到出出入入咁

我:正常呀 你同will一齊住 子琪會上黎 無問題呀

心仔:唔係呀 我係最近聽到兩把唔同既女聲

有時出門會聽到我對面房傳出黎

把聲有d熟悉 又好似無咩印象 成日有外人係到走黎走去

感覺唔係太好 有d唔太自然 同埋深夜有d吵咁

我:咁奇怪? 你唔問下深夜會出現既人?

心仔:好 我會去問下

就係呢個時候 will就入左心仔間房

Will:你知唔知呀 尋晚詩欣同Natalie上左黎同軒仔飲酒

心仔:唔緊要 一晚半晚姐下 不過佢地點熟架

呢個組合咁奇怪 明明一個Year2 一個Year3

Will:好似係最近迎新K既時候有一齊傾計 傾耐左就玩埋左一埋



心仔:哦... 咁奇怪

Will:叫左你去架你又唔去

心仔:我知我架 唔鍾意嘈又唔涯夜 點去姐

Will:咁又係 你打完轉頭過黎搵我

心仔:ok 轉頭過黎

我:你地有野傾?你地傾先 我都要休息唔打住

心仔:哦....好呀 傾下最近發生既事姐

接下來佢地傾既野我就當然唔知道

後來都係心仔講番比我知

話原來開左學之後一個星期左右

詩欣就同左黑仔分手 但係就好似分得唔係乾淨

咁原本詩欣係同黑仔住 所以宜家就無地方住

跟著前兩日軒仔咪話有人搬野上黎

原來就係詩欣 佢宜家好似感覺會長住

所以最後佢地屋就達成共識 唔需要去避或者點

大家都認可左詩欣會係到住

後來心仔同我講佢覺得好意外 兩個無關係既異性都可以住同一間房咩

但係佢地又無講佢地一齊左 不過心仔都無意見

原來佢地分左手.....

之後既事大家都知 就係詩欣搬左入去既第二晚

我就收到詩欣飲醉酒打比我既電話

而我就踏上左去台北既路

因為我唔想睇到佢沉淪落去.....

原來係住自己鍾意既人受傷 個心係咁痛既.....



到左台北之後 心仔就黎左巴士站接我

心仔：到底發生左咩事要你即刻番黎台北咩？

我：到時你咪知 食咩？

心仔：你這話事啦

我：就番食番學校側門間意粉啦

心仔：好 ok

叫完野食坐低之後我就講曬點解我要番黎既原因

心仔：我知佢地最近成日飲酒 但係估唔到係發生件咁既事

我：係呀 所以我今次番黎係想要一個答案 無論答案係點

心仔：都好既 原過我想問下.....

我：問咩？

心仔：其實.....關你咩事呢？你到底係用緊咩身份去關心詩欣 朋友？

如果係既話 我就覺得你做多左

我：你幾時變得同Natalie一樣....

心仔：其實都係傾落發現姐.....其實都講得無錯

我：唔好講住 今晚打唔打牌？

心仔:可以既 反正佢地應該都會上黎飲酒 應該可以見到詩欣

到左夜晚 我地就約埋will同另一個朋友上去打牌

打到一半果陣心仔同will既室友坤哥就突然番黎

番黎都算 仲要帶埋女朋友番黎

咁就尷尬 心仔就即刻道歉話唔記得左通知

因為我地太臨時話打 好就好在坤哥同埋佢女朋友唔介意

但係心仔突然醒起佢同左Natalie講左話屋企宜家可以攞黎用

結果通知唔切 最後Natalie詩欣佢地都係上左黎

不過好在講定叫佢地靜d 應該就無問題

但係我係呢度講得出黎就一定唔會無事

果然差唔打就打完果陣 阿軒突然走左出黎係到發癲

原來係間房果四個人全部飲醉左 嚇到坤哥走左出黎

正常黎講 坤哥份人就好有義氣 多數都會幫手照顧醉酒既人

不過今日坤左帶左女朋友上黎 我地就無搵佢幫手 叫佢唔駛出黎就得

我即刻二話不說走左入房拉左兩個女既出黎廳先

Natalie就比左心仔同另一個朋友照顧 我就同另一個朋友照顧詩欣

但係突然阿軒走左出黎 係咁叫詩欣個名

仲想抽水Tim 咁我就即刻打開佢

如果唔係因為佢醉左 我諗我第一時間應該係一拳車埋去

跟著見勢色不對即刻叫多個人黎幫手 好快都有人肯過黎

望住飲都好辛苦既詩欣 不其然咁諗

當初我地一齊既話 你會唔會變成宜家咁？

照顧左佢一陣 見佢嘔完又訓左一陣咁

終於有番精神 而我當然成晚無訓啦

係佢訓醒之後 Natalie因為飲得比詩欣少

雖然都係醉左同埋係咁係到講韓文

但係佢就醒得比詩欣快 所以我就搵左佢傾兩句

我：做咩佢會攞成咁 成日飲酒咁樣好咩

Natalie：你唔好講你番黎就係為左係到講經

其實我原本都唔明你今日做咩番黎

宜家呢一刻我終於明 係因為個電話？

我：係 我係想知發生咩事 日日都飲到咁醉 想點呀你地

Natalie：咁分左手飲兩杯好正常姐

我：就無其他方法可以舒緩情緒架咩？

Natalie：有d野係只可以用酒精解決到架

正當我想講下一句既時候 心仔就係間房到行左出黎

我：嘈到你？

心仔：唔係 本來呢幾排就唔係訓得幾好 係呢Natalie你點 好d未？

Natalie：好d啦

跟著心仔坐左係Natalie隔離 咁我咪繼續問

Natalie：我都知 詩欣想飲 咪陪下佢飲囉

不過.....其實關你咩事呢？關心詩欣都唔輪到你

呢個時候我竟然一句說話都講唔到 好在心仔講野化解左個尷尬

最後Natalie講左幾句

Natalie：其實詩欣既事已經與你無關 你作為普通朋友都唔駛咁過分關心 就係咁  
講完之後佢就走左入去睇詩欣 我就一直坐左係到  
平時同人講野我可以好快駁到 但我今次一句都講唔到  
係呢一晚之後 我先意識到  
其實我關心呢做咩 反正最後我都只係普通朋友  
過份關心唔會改變到任何野  
接下來係台北呢幾日 其實都變得漫無目的  
最想做既野結果比人一野打殘左  
但係我都係想聽到佢判我死刑 所以我最後都係約左佢出黎  
拿 宜家佢無拍拖 約出黎無問題架下  
不過老實我 我怕既係佢唔答應  
但係唔知點解我一問完 佢又即刻應承喎  
咁就算 等聽日講曬佢就最好

到左聽日 真係All or nothing既一日

不過老實講 都係衰梗架啦

咁我第二日就約左佢去食烤肉

咁唔知大家知唔知 台北有一間烤肉店

係食飯中途會有店員同你互動既 咁你完成到佢地d互動既話

就會送一碟肉或者一杯啤酒咁 如果識就識啦

唔係我主動要去架 係佢話無意見炸

同埋當然你可以唔參加呢d互動既

咁我地去到之後就各自叫野食

咁到左差唔多既時候 有店員走過黎問我地要唔要參加活動

咁當然就話唔參加啦 畢竟我地唔係情侶關係

但係我正想講既時候 我竟然聽到一個意想不到既答案

詩欣佢竟然講無問題 我當下真係好意外

咁店員就講「如果你們親5秒的話，就可以獲得就一碟由店長送出的極品牛舌」

之後全場人即刻望著我地然後起哄「親下去」「親下去」咁樣

其實我原本都諗住打退堂鼓 直接講唔玩

點知詩欣直接企左起身行左過黎我到

講左一句：夠唔夠膽？你夠膽錫落黎我唔介意

講完之後 佢即刻面紅 咁我機不可失

咁當然我就無咁急即刻捉住呀咁

萬一佢到最後唔想都可以即刻停

正當我慢慢咁靠近既時候 佢都無咩反應

到最後準備錫落去果一刻 基本上已經近過少左1厘米既時候

突然之間感覺到比人一野拍左落我個頭度

然後我就醒左.....哼 原來由頭到尾都只係一場夢

拍我果個人係心仔 佢原本就入黎問我食唔食午餐

心仔：做咩你會攞住個枕頭 然後好似作勢想錫個枕頭咁既

哦.... 我知啦 你發春夢 唔通你幻想同.....

我：屌 收皮 無d咁既事 同埋做咩叫醒我

心仔：叫醒個發緊... 吖唔係 我想問你食唔食中午飯

我知你今晚約左佢 我就唔問啦

我：你又知我今晚約左佢

心仔：你既死心不息既性格 佢唔親口講你都唔心息架

希望你地好黎好去 記得要適可而止

佢唔想講 你都唔好迫佢

我：我知 我會捉好個尺度 唔會太為難佢

諗左成個下晝 終於都到左真係要見面既時間

成年無見 唔知佢宜家點呢

到見面既一刻 同我果陣第一次見佢一樣

依然都係唔知點解佢可以咁白

笑容依然都係溝死仔既 其實比我咁樣見多一面

即使結局係點 我都心滿意足啦

坐低叫完野食 又係佢開始講野先

詩欣：上次係呀軒屋企果陣 多謝你照顧我

我：客咩氣呀 不過呢原來你醉果樣都幾好笑啲

詩欣：咩呀....咩意思先





## 26.最終章

之後我地一直係到傾以前既事

去到最後 我反而無講到我自己既心意

反而係.....

我:係呢 其實我想講..... 對唔住

詩欣:做咩咁突然講對唔住?

我:其實你肯出黎同我食飯我好開心 以為你因為我之前做既野

而令到你討厭我

詩欣:其實一開始都有架 不過過左一陣之後之無咁嬲

由其果陣係踢緊大專盃 你都係對勝利執著姐

我中學果陣 都有一好肥踢波既學長

雖然肥但靈活 同埋好MK

平時佢都係好口花 成日撩女

但係一落到場就變左另一個人咁 好執著

所以我都明你地對勝利既渴求

而我當時個Ex又On下On下咁

過左一排之後就無事lu 不過一直都無機會講

估唔到係你主動講

我:當然啦 道歉呢d野 由我黎做啦

咁今餐由我請 咁我就當呢個道歉就完美啦

詩欣:咁我唔介意呀 有人請我食飯

不如我地轉頭影張相呀?

我:都好

咁我比完錢之後我地就係門口影左張相

之後當然要送埋佢番去啦 可能都係最後一次

詩欣:我到啦 再見 我地番去再約啦

我:好 當然 到時再約

之後詩欣就番在上樓 我都慢慢行番去自己住既地方

係 路上就同自己講

李偉明.....

*請記住時間如果來到 就要止步*

其實唔講可能仲好 至少.....

第二日心仔就車左我去機場

心仔:呢個係咪你想要既結局?

我:唔係 但至少算係好

心仔:咁就得啦 番左去就唔好諗啦

我:好 你都要多保重 我地1月再見

心仔:好 你都保重

最後臨入閘先 望多左一眼呢個地方

係時候將呢d回憶留番係台灣 番去就重頭開始開始過....

*我祈求一次倖免 最壞卻變真  
若水星倒後再行 我今世要怎解窘  
你認命 率先放棄 不再問*

大概我同佢 本來就唔止相距811公里咁少.....

《811公里》完

## 作者的話 (記得要看喔~)

大家好 我係作者 愛你是孤單的心事 或者叫我心仔

用左半年幾既時間 係三個地方寫呢篇野

中間同樣經歷左好多心態轉變 可能都有少少影響左故事走向

今次係用第三身既角度去講人地既故事 所以要代入番黎講故事

加上我第一次寫故 所以格式上用字上可能要改善 大家就多多包涵

未來可能都想寫下自己既故事 至於幾時再寫

真係要好睇心情 因為我有野想講

最近番香港先發現 我可能鍾意左佢

至於係邊個? 同我有最多互動果個咪就係佢

不過其實自己都知 我係唔會有我想要既結局

因為文中都講過 人地唔鍾意LongD (雖然我覺得大部分人都應該唔太鍾意)

當然我都好多謝有人提醒左我

不過我自己有個缺點 就係唔會做自己無把握既事

點解我會話呢個係缺點 因為對我黎講感情係一件好難掌握既野

又或者可能我都未攞清楚自己諗咩既時候 亂黎只會變左仆街仔

但我想講 你打比我同講好掛住我既時候 雖然我即刻知係大冒險

但係其實 我係想講 我都好掛住你

或許 可能我對呢個電話太認真左

不過 鍾意咪鍾意囉 怕咩講先

不過想同大家講既係

你最愛既人可能就係身邊 千其唔好錯過

因為錯過左..... 就唔會再有機會

或許 愛她.....只是我的孤單心事

我鍾意你 Natalie

呢個係我當下既感覺 唔知未來會唔會好快就改變想法

至少我係呢度講左我當下既感覺出黎 我會舒服好多

各位 我地下個故事再見